

兵防志卷六

前令戴元夔論曰秦風有小戎無衣諸章秦兵之強尚矣顧明時  
邊警頻仍鎮兵不振此何以稱焉其初五堡屯軍至於八千士馬  
芻糧取之屯鹽而已足迨後軍政不修屯鹽漸廢以延綏十萬之  
器仰給帑金國遂以病我

朔汰兵什九邊境宴然西去拓地二萬里屯軍開墾創古未有又  
置區區邊邑可以盡其兵制哉紀

國朝軍政精簡及觀前朝武備廢弛而盛衰興棄之理亦足以鑒

定邊縣志 卷六 兵防志 兵制

兵制

西協定邊營副將一員中軍都司一員把總二員經制額外千總  
一員經制額外把總二員額此外委三員馬步守兵三百五十三  
名內馬戰兵一百五十五名步戰兵二十七名守兵一百七十一  
名視原額馬戰兵二百五十一名裁汰九十六名原額步戰兵七  
十名裁汰四十三名原額守兵二百一十名裁汰三十九名  
安邊堡都司一員經制外委把總一員額此外委一員馬守兵八  
十四名內馬戰兵十四名守兵七十名視原額馬戰兵二十五名

裁汰一十一名原額守兵一百名裁汰三十名

磚井堡守備一員經制外委把總一員額外外委一員馬守兵七十八名內馬戰兵七名守兵七十一名視原額馬戰兵九名裁汰二名原額守兵一百名裁汰二十九名

柳樹澗堡守備一員經制外委把總一員撥防口外四十里舖汛額外外委一員馬守兵七十八名內馬戰兵六名守兵七十二名視原額馬戰兵九名裁汰三名原額守兵一百名裁汰二十八名鹽場堡把總一員馬守兵二十四名內馬戰兵三名守兵二十一各視原額守兵改馬戰兵五名裁汰三名原額守兵四十五名裁定邊縣志卷六 兵防志 兵制 二 汰二十四名

按漢唐以來兵制無考明制定邊營軍丁並守瞭軍共二千六百九十名磚井堡軍丁並守瞭軍共八百五十名新安邊堡軍丁並守瞭軍共五百九十一名舊安邊堡軍丁並守瞭軍共二千八十四名柳樹澗堡軍丁並守瞭軍共一千八十二名鹽場堡軍丁並守瞭軍共一百二十名石澗池堡軍丁並守瞭軍共四百四十二名三山堡軍丁並守瞭軍共三百七十二名饒陽水堡軍丁並守瞭軍共二百二十七名洪武初年編選軍士有歸附者有收集者有選充者有編撥者共爲四等此外又有老

軍成化中有選民丁之壯者編成什伍號爲土兵又有從老軍戶內陸續抽選壯丁分四班輪流操脩謂之四班壯丁又有各省軍之不服水土者暫留實邊謂之雜抽軍宏治時官軍之家三丁內選一丁以補軍伍及正德年各軍伍內五丁以下者擇一丁六丁以上者擇二丁謂之選丁嘉靖時有免糧五石以下者抽一丁五石以上者抽二丁十石以上者抽三丁後改免糧十石上下抽一丁俱春夏脩邊過冬疎放謂之免糧抽軍又有每年十一月初一日到邊脩冬次年三月初一日疎放農作後改留本衛設官操練以脩征戰謂之屯軍一名脩冬軍又有江

南北淮東西軍衛皆領漕運河南山東軍每歲分番戍邊名曰班軍又有歲徵各鎮兵入衛以榆林四營更番戍守謂之入衛軍一曰小馬軍大抵明時邊警旁午故軍丁多而選途亦廣舊制遇警日則舉烟夜則舉火鳴砲一沿邊傳至鎮城若不退每一時照前舉行一次如出境日舉空烟夜舉空火不鳴砲其三五十騎至百騎日則懸黃旗一夜則懸燈籠一二三百騎至五百騎日則懸青旗一夜則懸燈籠二六七百騎至千騎以上日則懸皮襖一夜則懸燈籠三五七千騎至萬餘騎日則懸青號帶一炬烟一夜則懸燈籠四

按西路烟火一把爲新興堡磚井堡石澇池堡三山堡定邊堡  
鹽場堡饒陽水堡二把爲把都河堡柳樹澗堡新安邊堡舊安  
邊堡三把爲鎮靖堡鎮羅堡靖邊堡寧塞堡四把爲威武堡清  
平堡龍州城堡五把爲波羅營堡懷遠堡六把爲響水堡七把  
爲榆林城永昌墩起保寧鎮疆墩止

### 馬政

定邊營馬一百五十匹安邊堡馬一十四匹磚井堡馬九匹柳樹  
澗堡馬九匹鹽場堡馬五匹

按明制定邊營馬騾一千五百六十五匹新安邊堡馬騾一百

定邊縣志

卷六

兵防志

馬政

四

五十二匹舊安邊堡馬騾一千二百二十五匹磚井堡馬騾四  
百三十三匹柳樹澗堡馬騾三百八十四匹鹽場堡馬八匹石  
澇池堡馬騾二百一十九匹三山堡馬騾二百二十一匹饒陽  
水堡馬騾八十五匹皆取足於茶馬鹽中馬免糧馬互市馬苑  
馬而買補之價則以京運地畝給之乃又設椿棚馬禁

國朝茶馬仍設但鎮兵旣減闔營額馬取之內地而已足故西寧  
領馬歲止數十匹苑廐之牧以實郵傳而池鹽互市等項盡行  
罷革惟椿棚馬禁仍沿舊制

按茶馬洮岷西寧各設茶馬司以茶易馬後以洮岷馬專給延

寧而西寧歸甘肅 苑馬設監寺丞主之駐牧平涼以西 鹽  
中馬天順中每中馬一匹給鹽八十引計兩池歲課四萬五千  
引每該馬四百五十餘匹後每引一百道准折馬價銀五十兩  
嗣鹽池爲寧夏所借正統中復歸本鎮然鹽政大壞徒存空名  
而已 免糧馬成化時免土兵本戶稅糧二十石以下并免差  
買本軍馬匹牧養至萬歷年改徵銀給價買馬令土兵每  
一石徵銀三錢三分 陣獲馬嘉靖以前凡奪獲馬匹盡行  
給賞未幾釋驕馬給軍伍 互市馬馬市易馬臚壯者給軍老  
羸者變價充公 京運馬價正統初軍伍缺馬奏發內帑銀兩  
買馬給軍嘉靖時更以畿甸馬兼給 地畝馬價成化時兵部  
議馬價不足於屯田內每頃出銀一錢屯官徵解收買戰馬給  
軍 椿棚馬成化時兵部議行各邊凡馬匹遇有倒失酌量官  
軍朋合出銀買補

定邊縣志 卷六 兵防志 馬政

續文獻通考正統十一年題准延綏一帶衛所自定邊安邊營西  
抵花馬池東至府谷縣大小營堡水草便利可以牧放每年摘撥  
軍旗餘丁自行牧養馬匹

糧餉 原纂是卷尚有恩卹目內一係兵丁借餉給賞卹畧應  
併入此目一係兵丁陣亡卹賞卹畧應併入優卹弁兵

目移附是  
卷之末

馬戰兵每名每季餉銀六兩每年加米三百五斗原定夏秋支米  
春冬每石折銀一兩一錢九分今春秋不折銀與步守兵均支米  
步戰兵每名每季餉銀四兩五錢每年加米三石五斗  
守兵每名每季餉銀三兩每年加米三石五斗

馬每匹春冬草銀五兩四錢夏秋草銀三兩

按朱思本輿地圖新安邊營馬七百八十二匹糧料一千石草  
六千束舊安邊營馬四百六十二匹糧料六百石草一萬五千  
二百束定邊營馬四百四十三匹糧料五千八百石草三萬八  
千二百八十二束鹽場堡馬一百一十八匹糧料三百五十石

定邊縣志

卷六

兵防志

糧餉

六

草三千束

按續文獻通考延綏東起黃南川西至定邊營邊長地遠爲套  
虜充斥之地考之先朝經畧如余子俊楊一清王瓊等其所建  
置修築先焉蓋設險禦民實保塞至計也然竊有說此中軍士  
更番入衛疲於奔命而又以地多沙漠種植爲難芻糧不充曾  
不宿飽萬一虜駐魚河糧道險遠鎮城坐困可不爲之經理哉  
論者欲於府谷至葭州由黃河而上造舟行運以濟清水木瓜  
峽山等處亦爲甚便近雖題行而建置倉庾改徵本色未聞議  
及皆今日之所宜汲汲者

按延綏鎮志九邊舊無客兵祇有主兵歲輸民運屯鹽足以自給未嘗有兵餉也卽余子俊初開榆林衛時增置城砦以民運不繼奏請江南折糧銀以脩緩急不過一時之權計也自後軍政不修屯鹽漸廢請發帑金歲以爲常嘉靖末延綏一鎮軍餉年例費以二十七萬計况萬歷以後裁夫以九邊數十萬之衆不耕而仰食於民國家之力幾何而不困也

馬戰兵每名每年秋季准借餉銀四兩四季分扣歸項仍准請借  
步戰兵每名每年秋季准借餉銀三兩四季分扣歸項仍准請借  
守兵每名每年秋季准借餉銀二兩四季分扣歸項仍准請借

定邊縣志

卷六

兵防志

糧餉

七

在營兵丁恩賞吉銀二兩凶銀三兩俱不扣還

屯田兵丁恩賞吉銀四兩凶銀六兩俱不扣還

出征兵丁恩賞吉銀六兩凶銀十二兩俱不扣還

驛馬

定邊縣驛原額馬一百一十五匹馬夫五十七名半每年創斃馬二十三匹除撥協靖邊縣馬一十五匹創斃馬三匹馬夫七名半外四驛實馬一百匹創斃馬二十匹馬夫五十名或云撥協懷遠縣因案卷年遠不齊無從查考確切并何年撥協緣由  
定邊本城堡驛在槽馬二十五匹一驛馬六匹日支草料銀六分

四釐修理銀一釐五毫一絲藥油等項銀四毫五絲七忽日共支銀六分五釐九毫六絲七忽一安塘馬九匹每匹日支額銀六分四釐不敷加增銀二分一釐外脩銀三釐五毫八絲零修理銀一釐五毫一絲藥油等項銀四毫五絲七忽日共支銀九分五毫五絲一酌留安站馬五匹每匹日共支草料銀九分五毫五絲一驢易馬五匹每匹日共支草料銀七分九釐八毫二絲零一馬夫一十二名半每名日支銀三分

磚井驛在槽馬二十五匹一安塘馬一十五匹每匹日共支

定邊縣志 卷六 兵防志 驛馬

八

料銀九分五毫五絲一酌留安站馬五匹每匹日共支草料銀九分五毫五絲一驢易馬五匹每匹日共支草料銀七分九釐八毫二絲零一馬夫一十二名半每名日支銀三分

安邊堡驛在槽馬二十五匹一安塘馬一十五匹每匹日共支草料銀九分五毫五絲一酌留安站馬五匹每匹日共支草料銀九分五毫五絲一驢易馬五匹每匹日共支草料銀七分九釐八毫二絲零一馬夫一十二名半每名日支銀三分

三十里井驛即柳樹澗堡驛移此今又移四十里舖驛在槽馬二十五匹一安塘馬一十五匹每匹日共支草料銀九分五毫五絲



一酌留安站馬五匹每匹日共支草料銀九分五毫五絲一塵具  
馬五匹每匹日共支草料銀七分九釐八毫二絲零一馬夫一十  
二名半每名日支銀三分

### 協濟馬匹

乾隆四十六年本城總約文學何政許滿立鹽場堡總約林宗顏  
鴉兒塘總約馬天良回回塘總約趙勤龍木瓜塘總約李登義三  
山塘總約張天有劉強廟兒塘總約安國柱梅學李成名等公稟  
遇差來定五塘支應馬匹願請按塘攤應協濟議立碑記以垂永  
遠遵循庶無偏枯朦弊並免爭訟更於差徭不致貽誤等情經知

### 定邊縣志

#### 卷六

兵防志

協濟馬匹

九

縣周郁批准如稟前情着議碑文呈閱五十九年勒石豎立儀門  
之東

碑記蓋聞制莫難於創始法莫善於仍舊茲因定邊路當孔道  
繹絡不絕倘號馬不敷必須用五塘馬匹支應雖按塘攤應往  
往有隱脫之弊是以五塘總約文學等以苦樂不均等因具稟  
前任韓縣主案下恩斷擬定章程出諭示眾凡遇差來定用馬  
五十匹每塘分馬十匹以五塘公辦而本城仍繫廟兒塘與客  
民中三七分辦客七民三卽如用馬十匹向客辦馬七匹廟兒  
塘辦馬三匹至於磚井與定邊四六分辦定六磚四而磚井六

路安邊柳堡俱照此規派辦又如東來差過境安柳二堡馬匹接至四十里舖送至磚井爲止定邊馬匹送至花馬池爲止如西來差臨境定磚馬匹送至安邊安柳馬匹送至寧條梁爲止倘有創斃馬匹按塘估價公賠如此按塘派辦庶踴躍急公差徃不致有誤而支應亦得其均矣其闔邑士庶客民人等已經遵辦在案但定磚安柳各有總約一年一換或因更換總約不知其詳或因縣主高陞朦弊新任以致貽誤差徃訟端不息爲累非小茲值大邑侯周縣主榮任之初約等謹將前情復懇勒石公稟臺案蒙批如稟前情着議碑文呈電約等凜遵天諭立碑於儀門之側着爲定額永無更改不惟訟端可息而差徃自然無誤矣因勒石以誌云

優卹弁兵

優卹弁兵所以激勵知方應移附是卷之末俾聽命疆場者尚勉果毅兵防益固矣

年老告致干總賞給半俸養贍者邑人官肅州千總劉元

雍正七九等年巴里坤出征陣亡馬步兵丁領卹賞者五名田世

俊李興唐王文舉葉丕昇陳謨

雍正七年從征兵丁拾金不昧奏領賞賜者二名劉瑞朱呈璧

乾隆十三年金川出征陣亡馬步兵丁領卹賞者五名趙科陳相

舜郭起張素倉褚光先

曾經出征退甲老兵蒙

恩賞給養贖者十名段之芳

本名魏高喜  
工於烏鎗

牛連陳自明周永連趙

之奇楊芝秀白玉相胡國佐段文周文喜

本名  
范玉

以上每名每月給

銀一兩三錢

乾隆三十七三十九等年金川出征四十六年蘭州出征打仗帶傷退伍老兵仍賞給守糧一分者五名賈德張其謀劉鶴張有祿

杜斌

嘉慶元二三四五七等年川楚陝出征陣亡兵丁姬訓等六十四名嘉慶七年十一月大學士保寧等議奏准入府城首邑昭忠祠

定邊縣志

卷六

兵防志

優卹弁兵

十一

從祀姓名詳列姬訓高進祿李滿倉魯桐朱得祿朱桂余正倉高宗貴王進祿周仲德王倉馬有恒于福徐仲元褚滿春喬桂李邦舉邱登甲霍添光南進成黨福盈以上三十一名係元年川楚出征剿齊王氏股匪打仗陣亡者曹興成何祿王宗玉屈仁盧天章唐俊周希武韓天祿陳學郭安吉高昇康萬倉黃正德以上十三名係二年川楚陝出征剿齊王氏冉文仇王三槐等股匪打仗陣亡者趙滿劉汝林趙忠劉昌域喬珍朱興成孫日喜楊章杜蘭李才杜連許孝李天佑以上十三名係三年四川出征剿徐添德羅其清等股匪打仗陣亡者張茂蘭段瑞滿倉劉祿馬蘭傅泰韓慶

雲韓福李進財以上九名係四年川陝出剿冷天祿張漢朝等股  
匪打仗陣亡者馬有珍史貴韓正韓隨榮趙敬李進祿孫懷仁以  
上七名係五年川陝出征剿苟文明張漢朝等股匪打仗陣亡者  
王愛一名係七年陝西出征剿羅其清股匪打仗陣亡者

嘉慶元年至九年止川楚出征打仗陣亡故兵沈義德等二百二  
名所遺眷屬查明實係親老妻單子幼並無產業依靠每名家屬  
每年領卹賞養贍半餉銀九兩六錢十九年復查故兵許明等八  
十六名請准每名家屬每年亦領養贍半餉銀九兩六錢又打仗  
未出故兵趙鐸等六名每名家屬每年領養贍減半半餉銀四兩  
定邊縣志

卷六

兵防志

優卹弁兵

七

八錢遇閏各增銀四錢故兵姓名繁不備載